

zanne, qui fut femme et espouse de Charles de Bourbon, filz du conte de Montpensier et despuys duc de Bourbon ; la premiere fille fut maryee au duc de Calabre dont yssit ung filz ; la seconde, nommee Isabeau, maryee au conte de Charrolloys, son cousin germain dont yssit une fille qui avoit nom Marye ; la tierce, nommée Marguerite, qui fut maryee au conte Philippe de Bresse despuys duc de Savoye, duquel mariage yssirent le duc Philibert de Savoye, qui espousa madame Marguerite d'Autriche, dicte de Flandre, et madame Loyse, mere du roy François, premier de ce nom ; la quatriesme, au duc de Guesdres, et eust une fille nommee Anne, maryee au duc de Lorroyne ; la cinquiesme, nommee Jane, fut maryee a messire Jehan de Chaalons, prince d'Oranges.